

საჯარო სამართლის იურიდიული პირი -

ბათუმის შოთა რუსთაველის სახელმწიფო უნივერსიტეტი

ბრძანება N 01-08/143

ქ. ბათუმი

29 ოქტომბერი, 2018

საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტში 2018-2019 სასწავლო წლის შემოდგომის სემესტრისათვის 2018 წელს აკრედიტირებულ „ბიზნესის ადმინისტრირების“ საბაკალავრო საგანმანათლებლო პროგრამაზე რიგგარეშე შიდა მობილობის გამოცხადების შესახებ

ბსუ-ს ეკონომიკისა და ბიზნესის ფაკულტეტის „მარკეტინგის“, „მენეჯმენტისა“ „ფინანსების“ და „საბუღალტრო და საგადასახადო საქმის“ საბაკალავრო საგანმანათლებლო პროგრამების აკრედიტაციის ვადა გავიდა 2018 წლის 1 ივლისს, შესაბამისად, აღნიშნული პროგრამები ამჟამად ხორციელდება ავტორიზებულ რეჟიმში. ამ პროგრამების გაერთიანების საფუძველზე ბსუ-მ შეიმუშავა „ბიზნესის ადმინისტრირების“ საბაკალავრო საგანმანათლებლო პროგრამა და წარადგინა აკრედიტაციის მიზნით სსიპ - განათლების ხარისხის განვითარების ეროვნულ ცენტრში. აღნიშნული პროგრამის აკრედიტაციის საკითხის განხილვა დაგეგმილია უმაღლესი საგანმანათლებლო პროგრამების აკრედიტაციის საბჭოს 2018 წლის 31 ოქტომბრის სხდომაზე. გამომდინარე იქედან, რომ „მარკეტინგის“, „მენეჯმენტისა“ „ფინანსების“ და „საბუღალტრო და საგადასახადო საქმის“ საბაკალავრო პროგრამებზე (რომელთა აკრედიტაციის ვადა დასრულდა 2018 წლის 1 ივლისს), ირიცხებიან სახელმწიფო სასწავლო გრანტის მფლობელი სტუდენტები და დაფინანსების შენარჩუნების აუცილებელი პირობაა ირიცხებოდნენ აკრედიტებულ პროგრამების სტუდენტებად, მიზანშეწონილია ბსუ-ში გამოცხადდეს პირობითი რიგგარეშე შიდა მობილობა 2018-2019 სასწავლო წლის შემოდგომის სემესტრისათვის „ბიზნესის ადმინისტრირების“ საბაკალავრო საგანმანათლებლო პროგრამაზე ჩარიცხვის უფლების მოპოვებისათვის (აკრედიტაციის საბჭოს 2018 წლის 31 ოქტომბრის სხდომაზე დადებითი გადაწყვეტილების მიღების - „ბიზნესის ადმინისტრირების“ საბაკალავრო საგანმანათლებლო პროგრამისათვის აკრედიტაციის მინიჭების შემთხვევაში).

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, საქართველოს განათლებისა და მეცნიერების მინისტრის 2010 წლის 4 თებერვლის №10/ნ ბრძანებით დამტკიცებული „უმაღლესი საგანმანათლებლო დაწესებულებებიდან სხვა უმაღლეს საგანმანათლებლო დაწესებულებაში გადასვლის


წესი“-ს, ბსუ-ს აკადემიური საბჭოს 2015 წლის 8 ოქტომბრის №111 დადგენილებით დამტკიცებული „სასწავლო პროცესის მარეგულირებელი წესი“-ს მე-5 მუხლის, „საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტში მობილობის (შიდა მობილობის) განხორციელების წესის დამტკიცების თაობაზე“ ბსუ-ს რექტორის 2016 წლის 21 ივლისის N01-08/37 ბრძანების, „მარკეტინგის“, „მენეჯმენტისა“ „ფინანსების“ და „საბუღალტრო და საგადასახადო საქმის“ საბაკალავრო საგანმანათლებლო პროგრამების აკრედიტაციის შესახებ“ უმაღლესი განათლების საგანმანათლებლო პროგრამების აკრედიტაციის საბჭოს №350, 25.11.2011, №350, 25.11.2011, №351, 25.11.2011, №353, 25.11.2011 და №354, 25.11.2011 გადაწყვეტილებებისა და განათლების ხარისხის განვითარების ეროვნული ცენტრის უმაღლესი განათლების ხარისხის უზრუნველყოფის სამსახურის უფროსის (MES 4 17 01251314, 12.10.2017, MES 4 18 01382921 25/10/2018, MES 9 18 01375979 24/10/2018) წერილების და ბსუ-ს აკადემიური საბჭოს 2018 წლის 11 ოქტომბრის N115 დადგენილების საფუძველზე

### ვ ბ რ ძ ა ნ ე ბ:

1. გამოცხადდეს რიგგარეშე შიდა (პირობითი) მობილობა 2018-2019 სასწავლო წლის შემოდგომის სემესტრისათვის ბსუ-ს ეკონომიკისა და ბიზნესის ფაკულტეტის „მარკეტინგის“, „მენეჯმენტისა“ „ფინანსების“ და „საბუღალტრო და საგადასახადო საქმის“ საბაკალავრო საგანმანათლებლო პროგრამების აქტიური სტუდენტის სტატუსის მქონე და სახელმწიფო სასწავლო გრანტის მფლობელი სტუდენტებისათვის ბსუ-ს „ბიზნესის ადმინისტრირების“ საბაკალავრო საგანმანათლებლო პროგრამაზე (43 ვაკანტური ადგილი) ჩარიცხვის უფლების მოპოვებისათვის.
2. წინამდებარე ბრძანებით გამოცხადებული შიდა მობილობის (პირობითი) ვადები განისაზღვროს შემდეგნაირად:
  - ა) დოკუმენტაციის მიღება - 2018 წლის 29 და 30 ოქტომბერი (განცხადება წარმოდგენილი უნდა იქნეს თანდართული ფორმით- დანართი 1);
  - ბ) კრედიტების აღიარება - 2018 წლის 31 ოქტომბერი;
  - გ) კრედიტების აღიარების დასკვნაზე სტუდენტთა თანხმობის განცხადებების მიღება - 2018 წლის 31 ოქტომბერი;
  - დ) შიდა მობილობით ჩარიცხვის ბრძანების მომზადება - 2018 წლის 31 ოქტომბერი;
  - ე) ჩარიცხვის ბრძანების სსიპ - განათლების ხარისხის განვითარების ეროვნულ ცენტრში გაგზავნა - 2018 წლის 1 ნოემბერი;
3. წინამდებარე დადგენილებით გამოცხადებული შიდა მობილობა განხორციელდეს უმაღლესი განათლების საგანმანათლებლო პროგრამების აკრედიტაციის საბჭოს 2018 წლის 31 ოქტომბრის სხდომაზე დადებითი გადაწყვეტილების მიღების - „ბიზნესის ადმინისტრირების“ საბაკალავრო საგანმანათლებლო პროგრამისათვის აკრედიტაციის მინიჭების შემთხვევაში).
4. დაევალოს ბსუ-ს სასწავლო პროცესის დეპარტამენტს მობილობის პროცესის უნივერსიტეტის ხარისხის უზრუნველყოფის სამსახურთან შეთანხმებით წარმართვა და კოორდინირება.

5. ბრძანება საჯარო გამოცხადების მიზნით გამოქვეყნდეს ბსუ-ს ფაკულტეტებისა და კანცელარიასთან არსებულ საინფორმაციო დაფებზე.
6. დაევალოს საინფორმაციო ტექნოლოგიების სამსახურს ამ ბრძანების ბსუ-ს ვებგვერდზე განთავსება.
7. წინამდებარე ბრძანება აღსასრულებლად და სახელმძღვანელოდ დაეგზავნოს დადგენილება დაეგზავნოს ბსუ-ს მართვის ორგანოებს, ბსუ-ს ეკონომიკისა და ბიზნესის ფაკულტეტს და შესაბამის დამხმარე სტრუქტურულ ერთეულებს.
8. ბრძანების შესრულებაზე კონტროლი განახორციელოს რექტორის მოადგილემ, პროფესორმა თამარ სირაძემ.
9. ბრძანება ძალაშია ხელმოწერისთანავე.

რექტორი, ასოცირებული პროფესორი



მერაბ ხალვაში